



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Von ordenung gottis dienst yn[n] der gemeyne**

**Luther, Martin**

**Wittemberg, 1523**

**VD16 L 7305**

Textteil

**urn:nbn:de:hbz:466:1-32144**

T Von ordentung gottis dienst  
ynt der gemeyne.

**E**r Gottis dienst der izt allenthalbē ges-  
het/hatt eyn Christliche scyne ankunfft  
gleich wie auch das predigampt. Aber  
gleich wie das predigampt verderbt ist/  
durch die geystliche tyramē/also ist auch  
der gottis dienst verderbt durch die heuchler/Wie  
wyr nu das predigampt nicht abethun/sondern wi-  
der ynn seyn rechten stand begeren zu brengen/so ist  
auch nicht vnser meynūg/den gottis dienst auff zuhe-  
ben/sondern wi der ynn rechten schwang zu bringen.

T Drey grosse missbrēuch sind ynn den gottis dienst  
gesälle/Der erst/das man gottis wort geschwygē hat/  
vnd alleyne gelesen/vnd gesungen ynn den kirchen/  
das ist der ergiste missbrauch/Der ander/da Gottis  
wort geschwygen gewesen ist/sind neben eyn komen/  
so viel vñch:istlicher fabeln/vnd lügen/beyde ynn le-  
genden/gesange vnd predigen/das greulich ist zu se-  
hen. Der dritte/das man solchē gottis dienst/als eyn  
werck than hatt/da mit gottis gnade vnd selickeyt zur  
werben/da ist der glaub vntergangen/vnd hatt yder-  
man zu kirchen gebē/stifften/pfaff/munch vñ nonnen  
werden wollen.

T In disse missbrēuch abzuthun/ist auffs erst zu  
wissen/das die Christlich gemeyne nymer soll zu same  
kommen/es werde denn da selbs Gottis wort gepredigt  
vnd gebett/es sey auch auffs kurtzist.Wie Psalm. 101.  
Wenn die konige vnd das volck zu sauuen kompt gott  
zu dienen sollen sie Gottis namen vnd lob verkundi-  
gen/Vnd Paulus.1.Corrin.14.spricht das ynn der ge-  
meyne soll geweyssagt/gelert vnd ermanet werden.

A ij

Darumb wo nicht gotts wort predigt wirt ist's besser  
das man widder singe noch lesse noch zu samen komes  
¶ Also ist's aber zu gangen unter den Christen zur  
zeyt der Apostel vnd sollt auch noch so zu gehē. Das  
man teglich des morgēs eyne stunde frue vmb vier od-  
der fünffe zu samen keme / vnd daselbs lesen liesse / es  
seyen schuler odder priester / odder wer es sey / gleych  
wie man itzt noch die Lection ynn der metten liest /  
das sollen thun eynter odder zweyn / odder eyner vmb  
den andern / odder eyn Chor vmb den andern / wie das  
am besten gesellet.

¶ Darnach soll der prediger odder welchem es be-  
folhē wirt / er fur treten / vnd die selb lection eyn stück  
aus legen / das die andern alle verstehen / lernē vnd er-  
manet werden / Das erst werk heyst Paulus. 1. Cori. 14  
mit zungen reden. Das ander / aus legen odder weyssag-  
en / vnd mit dem sym odder verstand reden. Und wo  
dis nicht geschicht / so ist die gemeyne der lectio nichts  
gebessert / wie bis her ynn Klostern vnd stiftēn gesche-  
hen / da sie mir die wende haben angeblehet:

¶ Disse Lection soll aber seyn aus dem alten Testa-  
ment / nemlich das man eyn buch fur sich neme / vñ eyn  
Capitel odder zwey / odder eyn halbes lesse / bises aus  
sey / dar na:ch eyn anders fur nemen / vnd so fort an bis  
die ganze Biblia aus gelesen werde / vnd wo man sie  
nicht verstehē / das man fur vber fare / vnd got ehre. Al-  
so das durch tegliche vbunge der schrift / die Christen  
ynn der schrift verstedig / leuffig vnd kündig werden /  
Denn daher wurden vorzeycten gar feyne Christen /

Wem nu die Lection vnd auslegūg eyn halb stünd  
odder lenger geweret hatt / soll man drauff yn gemeyn  
got dancken / leben / vñ bitte vmb frucht des worts. 76.

Dazu soll man bruchen der psalmē vnd ettlicher gutes  
ten Respōsoria/Antiphon/tūtz/ also/das es alles ym  
eyter stund ausgerichtet werde/ odder wie lange sie  
wollen/denn man mns die seelen nicht vberschutten/  
das sie nicht müde vnd überdrüssig werden/wie bis  
her ym Klostern vnd stifteten sie sich mit esels erbeyst bes-  
laden haben.

¶ Desselben gleychē an dem abent/vmb sechs ods  
funfse widder also zu samien. Vnd hie sollt aber aus  
dem alien Testament eyn buch nach dem andern fur-  
genomen werden/nemlich die Propheten/gleych wye  
am morgen Moses vnd die Historien. Aber weyl nu/  
das neue Testament auch eyn buch ist/las ich das al-  
te Testament dem morgē/vn das neue dem abent/ ods  
widderüb vñ gleych also lesen/aus lege/lobē/singē vñ  
bereit/wie am morgen/ auch eyn stund lang. Den es ist  
alles zuthun vmb gottis wort/das dasselb ym schwäg  
gehe/vnd die seelen ymer aufrichtē vnd erquickē/das  
sie nicht lass werden.

¶ Will man nu solch versammlung des tags noch ein-  
mal hallten nach essens/das stehe ynn freyer willore.

¶ Auch ob solchs tegliches gottis diensts vielleicht  
niche die ganze versammlunge gewartten kunde/sollen  
doch die priester vnd schuler vnd zwuo: die ienigen/so  
man verhofft gute prediger vñ see sōger aus zu wer-  
den/solchs thun. Vnd das mansie ermane solchs frey  
nicht aus zwang/ odder vilust/nicht vmb lohn heyt-  
lich noch ewig/ sondern alleyne gott zu ehre/den ne-  
histen zu nurz zu thun.

¶ Des sonntags aber soll solch versammlung für die  
gantzen gemeyne geschehen/über das tegliche versam-  
len des Kleynern haussen/vñ da se'bs/wie bisshier ges-  
wonet Mess̄ vnd Vesper singen/also/das man zu beya-

A. iii.

Der zeyt predige der ganzen gemeynē / des morgens  
das gewonlich Euāgelion/des abents die Epistel/od  
der stehē bey dem Prediger / ob er auch eyn buch fur  
sich n̄me odder zwey/wie yhn dūckt das nutzist seyn.

¶ Will nu yemand als dann das sacramēt entpfa-  
hen/dem laſt mans gebet/wie man das alles wol kan  
vnternāder nach gelegeheyt der zeyt vñ person schickē.

¶ Die teglichen messen sollē abseyn allerdinge/ denn  
es am wort/vnd nicht an der messen ligt/Doch ob et-  
lich außer dem sonntag begerte das sacrament/so halle  
man messe/wie das die andacht vnd zeyt gibt/denn  
hie kan man keyn gesetz noch zill setzen.

¶ Das gesenge ynn den sontags messen vnd vesper  
las man bleyben/denn sie sind fast gutt / vnd aus der  
schiffē getzogen/doch mag mans wenigern odder me-  
hren. Aber das gesenge vnd psalmē teglich des mor-  
gens vnd abents zu stellen soll des pfarrers vnd predi-  
gers ampt seyn/das sie auff eyn iglichen morgen eyn  
psalmen/eyn feyn Responsorion odder Antiphon mit  
eyner Collecten ordene. Des abents auch alſo/nach  
der Lection vnd auslegung öffentlich zu lesen vnd zu  
singen. Aber die Antiphon vñ Responsoria vñ Col-  
lecten/legendē von den heyligen/vnd vom creutz/laſt  
man noch eyn zeyt stille ligen/bis sie gefest werden/  
denn es ist greulich viel vnfatts drynnen.

¶ Aller heyligen fest sollten ab seyn/ odder wo eyn  
gutte Ch̄iſtliche legēde were/auff den Sontag nach  
dem Euāgelio zum exemplē mit eyn gefurt werden.  
Doch das fest Purificationis/ Annūciationis Marie  
ließ ich bleyben/Assumptionis vnd Vtatiuitatis mus  
man noch eyn zeytlang bleyben lassen/wie wol der ge-  
sang drynnen nicht lanter ist. Johannis Baptiste fest  
ist auch reyn. Der Ap̄ostel legend ist keyne reyn/ott. S.

Pauli druinb mag man sie auff die Sontage syhen/  
odder so es gefelt/ sonderlich seyren.

¶ Anders mehr wirt sich mit der zeyt selb geben/  
wenn es angehet. Aber die Summa sey die/ das es ic  
alles geschehe/ das das wort ym schwang gehe/ vnd  
nicht widderumb eyn loren vnd dohnen drans werde/  
wie bis her gewesen ist. Es ist alles besser nach gelas-  
sen/ dem das wort. Vnd ist nichts besser getrieben den  
das wort/ den dz das selb sollt ym schwang vnter den  
Christen gehen/ zeygt die ganze schrifft an/ von Christus  
auch selb sagt/ Luce. x. Eyns ist von notten. Vlem-  
lich das Maria zu Christus fussen sitze vnd hore seyn  
wort teglich/ das ist das beste teyl/ das zurwelen ist/  
vnd nymer weg genomen wirt. Es ist eyn ewig wort/  
das ander mus alles vergehen/ wie viel es auch der  
Martha zuschaffen gibt. Dazu helff vns gott. Amen.

*Dr. J. W. G.*  
*zum Abschluss jmd. Bezug.*